

ԱՌԱՆՑ ԶԵՆՔԻ ՄԵՆԱՄԱՐՏԵՐԻ ԱՆՎԱՆՈՒՄՆԵՐԻ
ԻՄԱՍՏԱԿԱՌՈՒՑՎԱԾՔԱՅԻՆ
ՅՈՒՐԱՀԱՏԿՈՒԹՅՈՒՆՆԵՐԸ

Հայ ժողովրդական խաղերը և խաղային վարժությունները ժողովրդի պատմական կյանքի ու անցյալի բարդ իրադարձությունների ընթրինակումներ են, որոնց մեջ երբեմն դրսևորվել են բնության դեմ մարդու պայքարի ձևերն ու եղանակները, ժողովրդի պատմական կյանքի անցուղարձերը, ազգային դաստիարակության ու կենսակերպի ձևերը և այն ամենը, ինչ կա, գոյություն ունի իրական կյանքում: Կանդրադառնա՞նք ռազմամրցակցային խաղերին, հատկապես առանց զենքի մենամարտերին, որոնք ունեցել են լայն կիրառություն ողջ երկրում և հստակ պատկերացում են տալիս հայ ժողովրդի, հայ մարդու բնավորության, ուժի և այլ ունակությունների մասին, ինչպես նաև կքննենք այդ խաղերի բառահամակարգերի լեզվակառուցվածքային առանձին հիմնահարցեր:

Մենամարտերը ուժային վարժությունների բազմապիսի ձևերի ամբողջություն են: Տղաների մեջ այդ գործողությունների որոշ տարրերի կիրառումը սկսվում է շատ վաղ հասակից: Պարզ, սովորական մարզական վիճակից աստիճանաբար ընդլայնելով իրենց սահմանները՝ խաղ-վարժությունները ձեռք են բերել նորանոր նշանակություններ՝ հասարակական, ռազմական և անգամ պետական: Մարտախաղերն անհիշելի ժամանակներից ուղեկցել են մեր ժողովրդին, կրել զանազան փոփոխություններ, սակայն դուրս չեն եկել կենցաղից՝ պայմանավորված երիտասարդ սերնդի ֆիզիկական կոփման և ռազմական դաստիարակության կարևորագույն նկատառումներով: Գոյության ընթացքում հայ ժողովրդի կողմից երկրի պաշտպանության համար բազմաթիվ պատերազմներ մղելու հանգամանքն էական նշանակություն է ունեցել մենամարտի արվեստի կատարելագործման համար: Հնուց ի վեր Հայաստանում կիրառված առանց զենքի մենամարտերի առավել հայտնի ու տարածված տեսակներից են եղել ըմբշամարտը, բոնցքամարտը, խառնամարտը, ծանրամարտը, զազանամարտը (ցլամարտ) և այլն: Մենամարտերի բաղադրյալ այս անվանախմբում հիմքային արժեքն արտահայտվել է մարտ ընդհանուր անվա-

նակերտիչ բաղադրիչով, որը շատ անվանումներում փոխարինվել է կոիվ հոմանիշ և վերջինների հետ իմաստային մոտիկություն չունեցող խաղ բառերով և կազմվել տարահիմք հոմանիշներով գուգահեռ ձևեր՝ ըմբշամարտ - ըմբշակոիվ - ըմբշախաղ, բոնցքամարտ - բոնցքակոիվ, խառնամարտ - խառնակոիվ, մենամարտ - մենակոիվ և այլն։ Մակայն մենամարտերի անվանահամակարգում հոմանշություն դրսևորող մարտ, կոիվ, խաղ բառերի փոխնիփոխ կիրառությունը ոչ բոլոր խաղերում է, որ չի հանգեցրել խաղատեսակի փոխվելուն, ինչպես՝ գազանամարտը մարդու պայքարն ու կոիվն է գազանի հետ կամ գազանի դեմ, իսկ գազանակոիվը նաև գազանախաղը՝ գազանների կոիվն ու խաղն իրար հետ։ Թեև խաղերի հիմքում ընկած գործողության ընդհանուր գաղափարը հիմքակազմիչ բաղադրիչների փոփոխումից չի փոխվել, սակայն գործողների՝ մարդ-գազան, գազան-գազան փոփոխությունը հանգեցրել է խաղատեսակի փոխվելուն, խաղի մեկ այլ խմբի պատկանելուն։ Նույնը կարելի է ասել նաև բռնցք և խաղ բառերի կապակցմամբ արտահայտված և բոնցքամարտի հետ որևէ կապ չունեցող մանկապատանեկան բոնցքախաղի բռնցքներով խաղի մասին։

Խաղ, կոիվ միավորներով կազմվել են նույն ոլորտի տարբեր ենթատեսակների պատկանող գազանակոիվ, գազանախաղ, բոնցքախաղ խաղանունները, իսկ ծանրամարտ անվան համար հիշյալ բաղադրող միավորները գործածական չեն ընդհանրապես։

Ներկայացնենք խաղերն առանձին - առանձին՝ ուշադրությունը բնեռելով բառերի և բառակապակցությունների արտահայտման ձևերին։

Ըմբշամարտ։ Խաղ-վարժության վաղ գոյության, նշանավոր ըմբիշների և անգամ կին ըմբիշների մասին պահպանվել են բազմաթիվ վկայություններ։ Հին հիշատակություններում հայտնի ըմբիշներն եղել են արքայական, իշխանական տոհմերից, և նրանց հաղթանակները, խաղաղ թե պատերազմական ժամանակներում, փառք ու պատիվ են բերել ողջ երկրին։ Ռազմամարզական պատրաստություն անցած հայրերին են անգերազանցելի մրցակիցներ են եղել սովորական խաղային մրցություններում, օլիմպիական հանդեսներում և ռազմադաշտում։ Հնում շատ անգամ ըմբիշների մենամարտերով վերջ է դրվել արյունահեղություններին, կոտորածներին, երկրների միջև պատերազմներին, և նման իրողությունների արտացոլումները տեղ են գտել պատմական և գրական աղբյուրներում, ինչպես՝

Հայպոնի փոխարեն Բաբիկ Սյունեցու մենամարտը Հոնագուրի¹, արաբ ծերունու խորհրդով Սասունցի Դավթի կոիվը Մսրա Մելիքի², առյուծասիրտ հայտի հինների մենամարտերն արաբ փահլևանների հետ³ և այլն:

Ըմբշամարտը սիրված խաղ-մրցություն է եղել և ինչ առիթով էլ կազմակերպված լինե՝ միջազգային հանդիպում, տոնախմբություն, հարսանեկան թե տղաների գյուղամիջյան պարզ հանդիպում, անց է կացվել մեծ հետաքրքրությամբ, գրեթե միշտ կոխի եղանակի ներքո.

Զուռնաչին փչեց կոխի եղանակ,

Ահել ու ջահել իրարով անցան⁴:

Ըմբշամարտ տերմինը և նրա հետ կապված ըմբիշ, ըմբշական, ըմբշամարտություն, ըմբշամարտ կոիվ կամ ըմբշական մրցություն, ըմբշական մենամարտություն, ըմբշամրցություն, գիրկ ընդ գիրկ խառնիչ, գիրկ ընդ խառը կոիվ (մարտ), գոտեկոիվ, գոտեկովություն⁵, գոտեմարտել, գոտեմարտող, կշտի բռնել, ագոն⁶, ասպարեզ, կովանոց, հոլարան և այլ անվանումներ հայերենում գոյություն են ունեցել թե՛ հնում, թե՛ գրավոր շրջանի հենց սկզբից: Խաղի հայտնի և տարածված լինելու վկայությունն են նաև բնիկ և փոխառյալ բառերով արտահայտված այն բազմաթիվ հոմանիշ անվանատարբերակները, որոնցով անվանել են խաղը մեզանում՝ կոխ, կոխ բռնել (կենալ, պրծնել), կյուրեշ, կշտուկի, մերկակոիվ, գոտեմարտ և այլն: Միայն մեր էպոսում, օրինակ, հայտնի են գյուլաշ (գոտաշ), գոմշանակ, խոյանակ, ծնկակուշտի, չոքակոիվ, չոքազյուլաշ, քոշտրա (կ), քոշտարի, ֆերզնակ տարբերակները: Նշված անվանումները հոմանիշ են համընդհանուր գործածական ըմբշամարտ տերմինին: Կան նաև անվանումներ, որոնք մենամարտում կիրառված այս կամ այն ձևի, հնարքի անունից են՝ դարձյալ հոմանիշ տարբերակներով, ինչպես՝ գիրկ ընդ գիրկ խառնվել - գիրկ ընդ խառը կոիվ, գիրկ ընդ խառը մարտ, գիրկ ընդ գիրկ խառնիչ, խտտակրի, ծնկամարտ - ծնկակ(ք)ուշտի, չոքակոիվ, բազկամարտ - բազկակոիվ, թևազյուլաշ, թևկի, գլխամարտ - գոմշակոիվ, գոմշա-

¹ Ստ.Օրբելյան, Սյունիքի պատմությունը, Եր., 1986, էջ 37:

² Մասնա ծոեր, հ. III, Եր., 1979, էջ 73:

³ Վ. Բդոյան, Հայ ժողովրդական խաղեր, հ. II, Եր., 1980, էջ 65-70:

⁴ Հ.Թումանյան, Ե.Ժ.հ. I, Եր., 1969, էջ 86:

⁵ Տե՛ս Վ. Հաջունի, Դաստիարակությունը հին հայոց քով, Վենետիկ, 1923, էջ 338-339:

⁶ Մ.Խաչիրյան, Վ. Առաքելյան, Մարզական հանրագիտարան, Եր., 2003, էջ 7:

նակ, խոյանակ և այլն: Լեզվի զարգացման տարբեր փուլերից ազգային և փոխառյալ տարբերակներով մեզ հասած համանիշ կամ գուգահիւռ ձևերի անվանախմբում գործողությանը վերաբերող անվանումների տերմինային արժեքը պարզ է և ընկալելի, մինչդեռ նույն ըմբշամարտի ձևերն ու հնարքներն արտահայտող կանգնած նետել, պառկած նետել, բարձրից բերել, ծնկած նետել, զլուխ գրկելով, շեք մտնելով, վիզը ոլորել, կրծքից բռնել, քիթը բռնել, ձեռքը սեղմել բարդություններում տերմինային նշանակությունը գիտակցելի է միայն խաղի ժամանակ, որից դուրս դրանք սովորական, համագործածական արտահայտություններ են:

Ըմբշամարտ անվան նման բազմազանությունը ենթադրում է գործողություն կատարողների անունների բազմազանություն ևս՝ ըմբիշ, ըմբշամարտիկ ըմբշորդ, մերկամրցիկ ըմբիշ⁷, գոտեմարտիկ (ռդ), ագոնարար, ագոնավար, քուշտնգիր, փահլևան, ֆերիզ, գուլաշխ և այլն: Տարբեր են եղել նաև մրցության կազմակերպիչների անունները՝ գուպարադիր, հանդիսադիր, հանդիսապետ, թափիչ, մարտադիր, մարտահարդար և այլն:

Խաղ-վարժության և դրան առնչվող հասկացությունների բառակազմական տարբեր դրսևորումներով անվանումները կարելի է դասել հետևյալ խմբերում.

1. մայրենի լեզվով և հայերենին հատուկ կառուցվածքով անուններ՝ կոխ, կոխի, գոտեմարտ, գոտեմարտող(իկ); գիրկ ընդ խառը կոխվ, գիրկ ընդ գիրկ խառնիչ, պտտումով գցում (ջրադաց), խոյանակ, գուշանակ, գլխամարտ, ուռքփաթուկ, ոտնդիր, խոզապառկուկի, նահատակ, բազկամարտ, հանդիսադիր, մարտադիր, մարտահարդար, հանդիսապետ, թափիչ(մրցության դատավոր և պարզևաբաշխ), կովանոց, հովարան, մարգարան և այլն.

2. օտար (փոխառյալ) անուններ՝ անվամբ և կառուցվածքով՝ ըմբիշ, փահլևան (պրս. *pāhlevān* - ուժեղ, հերոս, դյուցազն, քաջ, հաղթանդամ մարդ), ֆերիզ (հսկա, կտրիճ, փահլևան, հզոր, զորեղ: Փահլևան և ֆերիզ (փերիզ) տերմինները նույնական են և հաճախ փոխարինել են միմյանց, երբեմն էլ գործածվել միասին՝ ֆերիզ-փահլևան:)⁸, քուշտիբար, քուշտիգիր (պրս. *koštī-gin* - գոտեմարտիկ, ըմբիշ, հավանաբար քուշտի գիրիֆթան արտահայտության բաղադրիչներից կազմված, որը պարսկերենից թարգմանված

⁷ Գ. Նարեկացի, Մատենադրութիւքն, Վենետիկ, 1840, էջ 299:

⁸ Սասնա ծռեր, Եր., 2008, էջ 556:

բառացի նշանակում է կոխ, կուշտի բռնել), քուշտի (պրս.košti-գոտեմարտ, գոտեմարտություն, ըմբշամարտ), ագոն(հուն. agonia— մարտ, օլիմպիական խաղեր, մրցության հանդես), ագոնիստ (հուն. agonist - մրցող, ըմբշամարտող), չոքազյուվաշ, գյուլաշ, գյուլաշչի, կյուրեշ, քալբանդ, բոշտրա և այլն.

3. խառն անվանումներ՝ արտահայտված հայերեն և օտար բաղադրիչներով՝ ֆերգանակ, չոքակոիվ, թևազյուվաշ, մերկամրցիկ ըմբիշ, ըմբշորդ, ըմբշամարտիկ (ռդ), ագոնավար, ագոնարար, քալակոիվ, ուջա բերել (պտտումով գցում) և այլն:

Կենցաղում այլևս նախկին ակտիվ կիրառությունը չունեցող այս և շատ ուրիշ մենամարտական խաղեր աստիճանաբար մոռացվել են, իսկ ոլորտում կիրառված բազմաթիվ բառեր, տերմիններ (բնիկ թե փոխառյալ) դուրս են մնացել համագործածական ակտիվ բառաշերտից և դարձել հնաբանություններ:

Բոնցքամարտ: Հնում հայտնի և տարածված խաղատեսակներից մեկն էր բազկամարտը: Այժմյան բոունցքի իմաստն արտահայտող և հայերենի հին շրջաններում կիրառված բռուն, մուրց, կռուփ բառերով կազմվել են գործողության և գործողի հետևյալ անունները՝ բոնցքամարտ (իկ), կոփամարտ (իկ), մրցամարտ (մուրց և մարտ) (իկ): Խաղն ունեցել է նաև բոնցքակոիվ, բռնամարտ, գոմփակոիվ, կոփահարություն, ձեռնեծոց, ձեռնամարտ, մուշտակոիվ հոմանիշ անվանատարբերակները: Գործողություն կատարողների անվանախմբում մարտ բաղադրող հիմքին զուգահեռաբար կարող են ավելանալ -իկ, -ռդ ածանցները, իսկ կոիվ արմատական և -ություն ածանցային բաղադրիչներով կառույցներում՝ միայն -ռդ ածանցը, ինչպես՝ կոփահարություն - կոփահարող, բոնցքակոիվ - բոնցքակովռդ, մուշտակոիվ - մուշտակովռդ: Խաղի մարտ բաղադրիչով արտահայտված անվանաշարքում կիրառվել են նաև -ություն ածանցով արտահայտված ձեռնամարտություն, բոնցքամարտություն, կոփամարտություն, մրցամարտություն տարբերակները:

Ոլորտի բառահամակարգում բառակազմական ամենակենսունակ եղանակով՝ բառաբարդումով են արտահայտվել նաև խառնամարտ կամ խառնակոիվ և գազանամարտ, ցլամարտ, առյուծամարտ անվանումները:

Բոնցքամարտի և ըմբշամարտի տարրեր պարունակող խառնամարտ, խառնակոիվ կամ օտարահունչ պանկրատիոն անվանումներով չափազանց կոպիտ խաղաձևի մասին մանրամասնությունները խիստ սակավ են:

Հատ ու կենտ նկարագրությունների կարելի է հանդիպել Էպոսում: Քիչ են նաև խաղ-վարժության բառահամակարգում կիրառված անվանումները, տերմինները: Գործողություն կատարողների անուններ կազմող հոմանիշ - իկ, -ոդ ածանցներով կարող են արտահայտվել խառնամարտիկ, խառնակովող անվանատարբերակները, որոնց չենք հանդիպել ուսումնասիրության ընթացքում: Ռազմարվեստի հետ ուղղակի կապ չունեցող, սակայն ֆիզիկական մեծ ուժ, ճարպկություն, հնարագիտություն, աչքաչափ, ճիշտ կողմնորոշվելու ունակություն պահանջող խաղ-պայքար էր զազանամարտը, որի վերաբերյալ բազմաթիվ հիշատակումներ տեղ են գտել գրավոր աղբյուրներում: Հիշենք Տրդատի, Վարազդատի⁹, Սմբատ Բագրատունու¹⁰ անօրինակ մրցությունները ամեհի զազանների հետ հունական և բյուզանդական ասպարեզներում, Էպոսում Միերի և առյուծի գոտեմարտը, հեթաթեներում հերոսների մենամարտերը դևերի և այլ զազանների հետ: Այս խաղի ուշ ժամանակների դրսևորում կարելի է համարել գյուղական երիտասարդների կողմից այծի, կովի, գոմեշի, եզի եղջյուրներից բռնած գետնին տապալելը: Գազանամարտ անվանումն ունեցել է նաև ցլամարտ, կրկեսամարտ, առյուծամարտ, իսկ զազանամարտիկը՝ ցլամարտիկ, կրկեսամարտիկ, առյուծամարտիկ տարբերակները:

Ծանրամարտ: Ծանրություն բարձրացնելու, կրելու, նետելու, շրջելու վարժությունները ևս վաղուց հայտնի են եղել հայ ժողովրդին, չնայած հիշատակումները վերաբերում են ավելի ուշ ժամանակներին: Ծանրություն հաղթահարելու գործողությունը Վ. Հացունին անվանել է ծանրաբարձություն, իսկ կատարողին՝ ծանրաբարձ¹¹: Ծանրություններ կրելու, հաղթահարելու բազմատեսակ գործողությունները եին ժամանակներում չափազանց կարևոր նշանակություն են ունեցել ժողովրդի կյանքում: Գրավոր աղբյուրներում տեղ են գտել հայտնի մարդկանց կողմից (Տրդատի¹², Կոմս Մամիկոնյան¹³, Ս. Բագրատունի և ուրիշներ) գործողության կատարման բազմաթիվ օրինակներ, որոնք ռազմավարության, խաղի կամ պարզ

⁹ Մ. Խորենացի, Հայոց պատմություն, Եր., 1981, էջ 222, 278:

¹⁰ Սեբեոս, Պատմություն, Եր., 1939, էջ 57:

¹¹ Վ. Հացունի, Նշվ. աշխ., էջ 331:

¹² Ագաթանգեղոս, Պատմություն հայոց, Եր., 1983, էջ 431-432:

¹³ Փ. Բուզանդ, Հայոց պատմություն, Եր., 1968, էջ 278:

գործողության դրսևորումներ են՝ իրական և անհավանական նկարագրություններով:

Ծանրամարտ, ծանրամարտություն անվանումներով ծանրաբարձության մերօրյա մրցությունները կազմակերպվել են շատ ավելի ուշ, միայն 19-րդ դարի երկրորդ կեսից:

Գործողների՝ -իկ, -ող, -որդ ածանցներով բաղադրված ծանրամարտիկ, ծանրամարտող, ծանրորդ անվանումները հավասարաչափ կիրառելի են ժամանակակից լեզվում և չունեն գործառական սահմանափակում:

Հոդվածում հիշատակված գործողությունների, կատարողների նույնանիշ և հոմանիշ անվանախմբերը կարելի է դասակարգել հետևյալ առանձնահատկություններով:

1. ա) Նույնանիշներ, որոնք չունեն իմաստային և կիրառական տարբերություններ, ինչպես՝ բոնցքամարտիկ - բոնցքամարտող, ծանրամարտիկ - ծանրամարտող - ծանրորդ, խառնամարտ - պանկրատիոն, ծնկամարտ - պարտեր և այլն: բ) Նույնանիշներ, որոնք դրսևորում են գործառական, ռճական տարբերություններ՝ բազկամարտ - բազկակոիվ, բուռնցք - բուռնմուրց - կոուփ, խառնամարտ - խառնակոիվ, ծափկոիվ - յարդուշտա, մրցավար - հանդիսադիր - թափիչ և այլն:

2. ա) Հոմանիշներ, որոնք համագործածական և սահմանափակ գործառության բառեր ու բառակապակցություններ են՝ ցուլ, բուռնցք, ձեռք, կոիվ, ծափ, գլուխ, ծանր, ծեծել, ձեռքը սեղմել, քիթը բռնել, կանգնած նետել, վիզը ոլորել և ծանրաբարձություն, ծանրաբարձք, գոտեմարտ (-ել, -ություն, -իկ, -ող), կրկեսամարտ (-իկ), գազանամարտ (-իկ), խառնակոիվ (մարտ), խոզապատկուկի, ըմբիշ, կոխ (-ի), խտտակրի, կովանոց, հոլարան, իրանի բռնվածք, ութրումով հնարքներ, պտտումով զցում և այլն:

բ. Հոմանիշներ, որոնք ունեն կազմության միաբառ և բազմաբառ տարբերակներ՝ խտտակրի - գիրկ ընդ խառը մարտ (կոիվ), կոխ - կոխ բռնել (կենալ, պրծնել), ըմբշամարտություն-ըմբշական մենամարտություն, ըմբշակոիվ-ըմբշամարտ կոիվ, ըմբշամրցություն - ըմբշական մրցություն և այլն:

գ. Հոմանիշներ, որոնք դրսևորում են իմաստաբանագային առանձնահատկություն՝ բոնցքամարտ - բոնցքակոիվ - ձեռծեծոց - գոմփակոիվ գազանախաղ - գազանակոիվ, ըմբիշ - նահատակ (բաջ կովոլ), ըմբշամարտ - ըմբշախաղ - ըմբշակոիվ և այլն: